



NEWSLETTER BR. 28

FEBRUAR 2017

SADRŽAJ

FIPA AKTIVNOSTI ≡

- » Razgovori sa kineskim kompanijama o investicijama u BiH
- » FIPA gost gradonačelnika Bihaća
- » Švedski ambasador u BiH ugostio direktora FIPA-e
- » Novi ambasador Marić u FIPA : Zajednički rad na promociji bh. potencijala japanskim investitorima
- » FIPA- sastanak sa stranim investitorima : INVESTICIJA OD 10 MILIONA EURA U BREZU
- » Poslovni prijem za ekonomske predstavnike akreditiranih ambasada u BiH
- » Tvornica čarapa Ključ traži stranog investitora

POSLOVNE VIJESTI ≡

- » Uspon namjenske industrije BiH
- » Uspjeh industrije namještaja BiH

FIPA AKTIVNOSTI ≡



RAZGOVORI SA KINESKIM KOMPANIJAMA O INVESTICIJAMA U BiH



FIPA UČESTVOVALA NA TRILATERALNOM PRIVREDNOM FORUMU KRALJEVINA SAUDIJSKA ARABIJA-SRBIJA-BOSNA I HERCEGOVINA ≡



...I JOŠ FIPA AKTIVNOSTI...



RAZGOVORI SA KINESKIM KOMPANIJAMA O INVESTICIJAMA U BiH



Na poziv kineskih kompanija Tianjin Electric Power Construction Co Ltd i Beijing Energy Holding, direktor FIPA-a gđin Gordan Milinić boravi u posjeti Kini sa ciljem predstavljanja mogućnosti za ulaganja u energetske sektor BiH.

Susreo se sa predstavnicima kompanije Tianjin Electric Power Construction Co, Ltd koji su iskazali snažan interes za investiranje i realizaciju projekata izgradnje termo-elektrana u BiH. Najavili su dolazak u drugoj polovini marta 2017. godine Bosni i Hercegovini kako bi sa relevantnim institucijama dogovorili suradnju. Navedena firma je bila glavni izvođač radova na TE Stanari. G. Milinić će također obaviti razgovore sa predstavnicima kompanije Beijing Energy Holding.

Kineske kompanije će delegaciju iz BiH, koju čine direktor FIPA-e i savjetnik premijera FBiH Gordan Čahtarević, upoznati sa realiziranim investicijama u Kini, tehnologijama i modelima realizacije energetskih projekata, posebno termo-elektrana. Najavljene posjete kineskih kompanija i njihov snažan interes za ulaganje u energetske sektor BiH će predstavljati snažan podsticaj ekonomskom razvoju Bosne i Hercegovine.



FIPA GOST GRADONAČELNIKA BIHAĆA



Delegacija Agencije za unapređenje stranih investicija u BiH (FIPA) na čelu sa direktorom Gordanom Milinićem posjetila je Bihać, gdje se sastala sa gradonačelnikom Šuhretom Fazlićem i gradskom upravom Bihaća. Agencija za unapređenje stranih investicija u BiH ima za cilj da olakša priliv stranih ulaganja u BiH, kroz suradnju s institucijama vlasti i investitorima, te pružanje pomoći investitorima da uspostave kontakte s javnim i privatnim sektorom.

Direktor Milinić istakao je važnost još intenzivnijeg surađivanja FIPA-e i grada Bihaća kako bi se svi investicioni potencijali Bihaća, kroz pripremljene projekte i investicione lokacije, mogli adekvatno predstaviti stranim investitorima. Gradonačelnik Šuret Fazlić naglasio je da uz atraktivan geostrateški položaj, dobru infrastrukturnu povezanost, dugu tradiciju u raznim proizvodnim granama sa posebnim naglaskom na drvoprerađivačku industriju, turizam i poljoprivredu, grad Bihać može da bude idealna lokacija za strane investitore. Bihaću su naročito potrebni investitori za izgradnju hotela i smještajnih kapaciteta koji bi pratili trend konstantnog povećanja broja turista. U prošloj godini čak 60 000 turista je posjetilo nacionalni park Una. Kao veoma atraktivni projekti za strane investitore ocijenjeni su: projekat izgradnje regionalnog poslovno-turističkog aerodroma Golubić i izgradnja spa centra Gata. Grad Bihać će pružiti maksimalnu podršku stranim investitorima i već je pokrenuo testiranje modela one-stop shop, kako bi investitor uz maksimalno dva dolaska u gradsku upravu pribavio svu potrebnu dokumentaciju. Direktor FIPA-e posjetio je i industrijski kompleks (nekadašnji Bira-Gorenje) koji se prostire na površini od 70 000 m² sa ukupno 40 000 m² industrijskih hala uz kompletnu infrastrukturu i industrijski kolosijek. U sklopu kompleksa nalazi se i savremena oprema za proizvodnju rashladnih aparata, lakirnice, brizgalice za plastiku i mašine za proizvodnju stiropora. Kako je ovaj kompleks nekada zapošljavao 500 radnika potrebno je pronaći strateškog partnera za ponovno pokretanje proizvodnje.



ŠVEDSKI AMBASADOR U BIH UGOSTIO DIREKTORA FIPA-E



Direktor FIPA-e Gordan Milinić je po pozivu posjetio u njegovoj rezidenciji švedskog ambasadora u BiH Andersa Hagelberga radi dogovora o daljem radu na povećanju priliva švedskih investicija u Bosnu i Hercegovinu. Ambasador je istakao da je Balkan sve interesantnije područje za švedske privrednike, pa je dogovoreno da ambasada informira švedsko ministarstvo inostranih poslova, privrednu komoru i udruženja preduzetnika o mogućnostima investiranja u Bosnu i Hercegovinu, kampanji „Invest in BiH“, te o uspješnim pričama investitora u BiH.

Glavni pravci aktivnosti će biti podrška investicijama bh. dijaspore iz Švedske u BiH, te usmjeravanje velikih švedskih multinacionalnih kompanija prema Bosni i Hercegovini. Također će se posvetiti pažnja i švedskim kompanijama koje već posluju u BiH, ali su prestale dalje investirati.

Kao najperspektivnija privredna grana za investiranje u budućnosti izdvojena je proizvodnja auto-dijelova za kamione i putničke automobile.



NOVI AMBASADOR MARIĆ U FIPA : ZAJEDNIČKI RAD NA PROMOCIJI BH. POTENCIJALA JAPANSKIM INVESTITORIMA



Direktor Agencije za unapređenje stranih investicija BiH (FIPA) Gordan Milinić primio je novoimenovanog ambasadora BiH u Japanu Borislava Marića kako bi ga upoznao sa aktivnostima Agencije na privlačenju stranih ulaganja, promociji zemlje i njenih potencijala, te dosadašnjem iskustvu u radu sa potencijalnim japanskim investitorima.


Ambasador Marić je upoznat sa suradnjom FIPA-e i ambasade Japana u BiH koja ide u pravcu zamjene japanske humanitarne pomoći japanskim investicijama u BiH i novim radnim mjestima za građane BiH. Kao rezultat te saradnje u oktobru prošle godine BiH je posjetila veća grupa potencijalnih japanskih investitora, sa kojima FIPA intenzivno kontaktira u želji da se u BiH konačno realizuju japanske investicije.

Na sastanku je istaknuto da FIPA od svih ambasadora BiH očekuje da im ekonomska diplomatija bude prioritet u radu, da rade na dovođenju investitora u zemlju kao i na povećanju izvoza iz BiH.

G. Milinić je zaželio ambasadoru uspješnu misiju uz želju za ostvarenjem što više kontakata sa potencijalnim investitorima iz Japana, a koje će uputiti u FIPA-u radi realizacije investicija. Također, ambasadoru je sugerirano uspostavljanje kontakata sa predstavnikom FIPA-e u Japanu koji je dao veliki doprinos za izvoz bh. vina na japansko tržište, kao i promociji BiH kao tursitičke destinacije.



FIPA- SASTANAK SA STRANIM INVESTITORIMA: INVESTICIJA OD 10 MILIONA EURA U BREZU



U projekat kogeneracije na biomasu u 60 općina u BiH, koji FIPA priprema sa italijanskom firmom „Pyrox“ uključuje se i zagrebačka kompanija „Prva guma“ sa svojim partnerima iz Njemačke, Holandije, SAD i Kine, i to investiranjem u Općinu Breza. Pored gradnje postrojenja kogeneracije na biomasu od 1,6 MW, investiraće i u pokretanje linije za proizvodnju peleta, gradnju postrojenja za suhu reciklažu guma i projekat hidroponike, prvi te vrste na Balkanu (proizvodnja organske hrane na vodi). Direktor Agencije za unapređenje stranih investicija BiH (FIPA) Gordan Milinić je na sastanku sa investitorom Zdenkom Sabljicom istakao da će FIPA pružiti punu podršku ovom projektu u svim fazama njegove realizacije kroz javno-privatno partnerstvo sa Općinom Breza.

Vrijednost investicije iznosi oko 10 miliona eura i planirano je upošljavanje oko 150 radnika. Odlučili su se za Brezu zbog blizine autoputa, aerodroma i željeznice.



POSLOVNI PRIJEM ZA EKONOMSKE PREDSTAVNIKE AKREDITIRANIH AMBASADA U BIH



Agencija za unapređenje stranih investicija BiH (FIPA) organizirala je 8. februara u Sarajevu poslovni prijem sa ekonomskim predstavnicima akreditiranih ambasada u BiH kako bi doprinijela poboljšanju suradnje na polju privlačenja stranih ulaganja i dodatne afirmacije bh. mogućnosti za ulaganja u inostranoj poslovnoj zajednici.

Od svog osnivanja pa do danas, FIPA uspješno surađuje sa stranim ambasadama, i ta se suradnja ogleda kroz organiziranje sastanaka kako bi se razmijenile informacije o privrednim mogućnostima BiH, kako bi se organizirale privredne posjete delegacija, preko upućivanja investitora prema FIPA-i, pa do pružanja finansijske podrške u realizaciji određenih projekata sa ciljem dodatne afirmacije mogućnosti privrede BiH.

Ove aktivnosti podstiču uvezivanje zemalja, privrednika i relevantnih institucija, što u konačnici daje određeni napredak. FIPA je opredjeljena da nastavi ovu uspješnu suradnju kroz razgovore i partnerstva na novim projektima koji će doprinijeti povećanju broja zaposlenih u zemlji. Također, FIPA stoji na raspolaganju i spremna je pomoći svim ambasadama u komunikaciji između investitora iz njihovih zemalja i nadležnih institucija u BiH u smislu pružanja informacija o mogućnostima ulaganja, trenutno raspoloživim projektima do otklanjanja administrativnih prepreka stranim investitorima u našoj zemlji.

FIPA trenutno nudi stranim investitorima 400 investicionih projekata, oko 250 investicionih lokacija i posjeduje bazu kontakata od 6700 potencijalnih investitora koje redovno informira o projektima i poziva da ulažu u BiH.



TVORNICA ČARAPA KLJUČ TRAŽI STRANOG INVESTITORA



Na poziv iz Fabrike čarapa Ključ“ Sarajevo, direktor Agencije za unapređenje stranih investicija u BiH (FIPA) Gordan Milinić je sa saradnicima posjetio ovu firmu i razgovarao sa direktorom Jasminom Seferovićem o poslovnim planovima prepoznatljivog bh. brenda.

Tvornica Ključ osnovana je 1896. godine i u svojoj tradiciji dugoj preko 120 godina bavi se proizvodnjom svih vrsta muških, ženskih i dječiji čarapa i hulahopki. Do 1992, tvornica je ostvarivala godišnju proizvodnju od 23 miliona pari čarapa, a trenutno proizvede i plasira na tržište oko 6 miliona pari godišnje.

Iako Ključ posjeduje najsavremenije mašine, obučenu radnu snagu, izuzetnu reputaciju i kvalitet, trenutna iskorištenost proizvodnih kapaciteta je i dalje ispod stvarnog potencijala. Upravo zbog toga tvornica čarapa Ključ je zainteresirana za partnerstvo sa stranim investitorom radi zajedničkog investiranja u proširenje proizvodnje i plasman proizvoda na međunarodnom tržištu.

Dogovoreno je da u sklopu projekata iz oblasti tekstilne industrije u BiH, FIPA potencijalnim investitorima ponudi i investiranje u fabriku Ključ.

POSLOVNE VIJESTI ≡



USPON NAMJENSKE INDUSTRIJE BIH



USPJEH INDUSTRIJE NAMJEŠTAJA BIH



...I JOŠ FIPA POSLOVNIH VIJESTI...



USPON NAMJENSKE INDUSTRIJE BiH

Namjenska industrija Bosne i Hercegovine u posljednjih pet godina doživjela je procvat. Samo u 2016. godini, dobit kompanija iz ove industrije porasla je za 20 odsto u odnosu na 2015. godinu.

Ukupan izvoz namjenske industrije BiH prošle godine iznosio je 171.194.521 KM.

U 2016, ova industrijska grana zabilježila je također značajan rast zapošljavanja, a planiran je nastavak povećanja obima poslovanja.



USPJEH INDUSTRIJE NAMJEŠTAJA BIH

Kolekcija Elle bh. industrije namještaja MS&WOOD uvrštena je u kategoriju Best of Best Međunarodnog sajma namještaja u Kelnu, i zajedno sa 30 različitih proizvoda iz cijelog svijeta, dio je zvanične postavke Umjetničke galerije u tom gradu.

Najveću ocjenu dobije samo 30 od nekoliko hiljada proizvoda koje svake godine ocjenjuje žiri koji čine najjeminentniji stručnjaci za dizajn i kvalitet sajma u Kelnu.



MISIJA FIPA-E

Agencija za unapređenje stranih investicija Bosne i Hercegovine je agencija koju je osnovalo Vijeće ministara Bosne i Hercegovine, a čija je osnovna zadaća :

- Privlačenje i povećanje priliva stranih investicija u Bosnu i Hercegovinu i poticanje postojećih investitora u zemlji na dalja ulaganja i širenje poslovanja
- Poboljšanje saradnje između privatnog i javnog sektora, predlaganje mjera za unapređenje okruženja za investiranje, a s time i ekonomskog razvoja
- Predstavljanje Bosne i Hercegovine kao zemlje poželjne za strane investitore



USLUGE FIPA-E

Vijeće ministara Bosne i Hercegovine je zadužilo Agenciju za unapređenje stranih investicija da pruži podršku direktnim stranim investicijama i da olakša priliv stranih ulaganja u našoj zemlji. Agencija saraduje s institucijama vlasti i investitorima, te pomaže nadležnim vlastima da poboljšaju zakonski okvir za strana ulaganja. FIPA takođe pomaže investitorima da uspostave kontakte s javnim i privatnim sektorima BiH. Pokazatelji koji se odnose na priliv investicija, uspostava kontakata i studije privrednih sektora koje su izradili FIPA stručnjaci i nezavisni konsultanti, omogućavaju da investitori budu u potpunosti informirani o investicijskim mogućnostima koje Bosna i Hercegovina trenutno nudi. Osim toga, FIPA usko saraduje i sa ambasadama i diplomatskim predstavništvima Bosne i Hercegovine, koji takođe mogu pomoći investitorima da istraže mogućnosti ulaganja u našoj zemlji.

FIPA pruža informacije, analize i savjete potencijalnim investitorima o poslovnom i investicijskom okruženju, uključujući:

- zakonodavstvo koje se odnosi na direktna strana ulaganja
- podsticaje koji se odnose na ulaganja
- ekonomska i poslovna kretanja u zemlji

FIPA identificira i predstavlja postojeće bh. mogućnosti za strana ulaganja :

- investicijske projekte u fazi razvoja ili projekte koji su već spremni za realizaciju
- preduzeća u procesu privatizacije
- domaće firme koje traže stranog poslovnog partnera

FIPA pruža pomoć potencijalnim investitorima i onima koji su već investirali u zemlji kroz :

- saradnju s javnim i privatnim sektorom
- saradnju s vladinim i nevladinim institucijama kako bi se olakšao privredni razvoj
- saradnju s lokalnim, regionalnim i međunarodnim organizacijama kako bi se poboljšalo okruženje za ulaganja



DA BISTE SAZNALI VIŠE O USLUGAMA FIPA-E, KOJE SU BESPLATNE, KONTAKTIRAJTE NAS DIREKTNO.

Grbavička 4
71000 Sarajevo
Tel: +387 22 278 080
Fax: + 387 33 278 081
e-mail : fipa@fipa.gov.ba
www.fipa.gov.ba

Ured FIPA-e Mostar
Kneza Višeslava, Office 54
88000 Mostar
Tel/Fax: +387 36 558 815
E-mail: mostar@fipa.gov.ba

Ured FIPA-e Banja Luka
Jovana Surutke 13/III
78000 Banja Luka
Tel/Fax: + 387 51 226 180
E-mail: banjaluka@fipa.gov.ba

A map of Europe with white outlines of countries on a blue background. The country of Bosnia and Herzegovina is highlighted with a yellow and blue flag featuring white stars.

INVEST IN BOSNIA AND HERZEGOVINA YOUR NEW OPPORTUNITY

WWW.FIPA.GOV.BA